

Decanus Facultatis Iuridicae Valentinus Riemer D. Et Prof. Publ. L.S. :
Imperatoris Friderichi laudatissimi ... ; Public. 10. Febr. Ann. 1633. Ienae
[Jena]

Riemer, Valentin

Phil 2° 00268/04 (084)

https://dhb.thulb.uni-jena.de/receive/ufb_cbu_00013253

urn:nbn:de:urmel-d00036e3-c433-4380-9537-25237a4635b75-00012480-10

Lizenz: <http://rightsstatements.org/vocab/InC/1.0/>





urn:nbn:de:urmel-d00036e3-c433-4380-9537-25237a4635b75-00012480-10

D E C A N U S
F A C U L T A T I S J U R I D I C A E
VALENTINUS RIEMER D. ET PROF.
PUBL. L. S.

Imperatoris FRIDERICHI laudatissimi *Auth. Habita C. Ne Filius pro Patre* non tam sedes quam fons & origo est omnium Privilegiorum Scholasticorum, & non minus tamen Professorum, non quod nomine *Scholarium* veniant *Professores* sed quod eo magis hoc Docentibus quod discipulis tribuendum esse ratio non tantum, sed & ipsa Constitutio in verbis *& maxime* etiam *Professoribus* urgeant. Ita quidem ut singulorum Ordinum & Facultatum, quas vocamus hodie, tam Professoribus quam Scholaribus sive Studiosis per receptam praxin & observantiam ex æquo & æqualiter competant illa Privilegia, neque enim invidiosum esse decet nos, si boni videri cupimus, quippe omne bonum communicativum sui, sed quod quæq; facultas earumve membra eorum magis indiga, eo pinguius eos sive universus sive singulos facimus participes. Interim tamen reliqua Professorum & Studioforum Corpora Juris Doctorum & discipulorum cohorti qualem qualem sive *professores* sive *studiosos*, uti Græcis vocari consuevit, prærogativam & prælationem hujus rei non dissidebunt. Sanè enim quod Imperator hoc sui Privilegii quasi unicus in Archivis Juris Consultorum adservandum constituit, dum videlicet nostro Codici subtit, *C. Ne fil. pro patr.* inter Imperiales Constitutiones, inferi expresse mandavit *d. auth. habita in fin.* ex edictorum visus est delegisse ceu Archivariorum præ cæteris idoneorum fidem & industriam, curam scilicet debitam & diligentiam.

Ex Pandectis suis hodie ibi adservatis non parùm gloriæ sibi conciliat Florentia, quod tamen ab Imperatore ipso se habere gloriari non audent. Justinianus enim Imp. omnium ex Legumlatriciâ operâ commendatissimus, posteaquam jus Civile ad hunc modum, quem conspicimus, perpurgasset & in ordinem redelegeret, caville legitur id inprimis, ut in omnibus civitatibus, quæ dignitate aliqua præcellerent, Exemplaria Legum quàm emendatissima publicè adservarentur, quasque ipse vel novas condidisset, vel antiquas enucleasset. Nullum tamen clarius aut celebratius memorare possunt Interpretes & Historici, quàm quod *Pisæ* magnâ religione custoditum erat. Quod tamen postmodum captis *Pisæ* jure Belli in Florentinam Bibliothecam præciôsæ prædæ loco translatum. Unde ex hoc Exemplari *Pisanæ* litera & hodie Pandectæ sive Florentinæ prisicis & modernis adpellantur, & mirum in modum propter correctioris studii fidem de prædicantur, magnique æstimantur. Quod si itaq; Archivum librarium *Pisanum* & Florentinum maxime ex custodiâ & adservatione exempli ejusce commissâ, neq; immerito laudi sibi ducere potuit, profectò nec Juris Consultis honor ille ex pari causâ denegandus. Nec hoc tamen palmarium & solum urget, sed & quod Imperator gloriosissimus maxime divina- rum atq; sacrarum Legum Professoribus hoc sæ pietatis beneficium indulgeret, uti habent verba ejus *Auth. habita post princ.* emphatica, quod dubiò procul ad solos verborum proprietate spectare potest Juris Legumq; antistites. Quam verò prærogativam importet vox *maxime* in propatulo est, nec est quod hic demonstretur. Atque hoc fortassis, quod ultimò loco adferri placuit, non postremum Imperatoris munificentissimi in Juris Cultores præ cæteris favoris & clementiæ erit argumentum, quod dispositionis & Constitutionis suæ causam non generalem quoravis studiorum, sed planè singularem adsignet, scilicet eorum misereri dignum se judicasse eosq; Privilegiò singulari honorandos existimasse, quorum scientia totus illuminatur mundus (sibi commissus & subiectus, uti juridicè ita exaudiri hanc vocem constat) & ad obediendum Deo & nobis ejus ministris, vita subiectorum informatur. Eâ verò scientia quâ vita subiectorum ad obediendum ipsi Imperatori Friderico constituti informatur, nulla est alia quàm Romana Jurisprudentia, adeoq; & nulli alii hic intelligi queant, nisi ex Jurisprudentiâ illâ edoceri & edocendi. Sed ceu sub initium diximus, cur reliquos Literaturæ & Literarum ordines non proni in societatem reciperemus? Nullius boni sine sociò, jucunda possessio est, inquit Seneca noster.

Hanc *Auth. Habita* pro Lectione Curiorâ ex more statutorum nostrorum receptò cum explicandam sibi sumserit Candidatus noster Vir Præstantissimus & Doctissimus *Dn. Conradus Schlüter* non absq; reputavimus præloqui in vicem isthæc præmitti. Natus est *Dn. Candidatus noster Hanoveræ* Anno 1606. Patre optimo Viro Spectatissimo & Prudentissimo *Dn. Bartholdo Schlüter* Urbis Hanoveranæ civis primariò, istiusq; Reipubl. Quatuorvirò honoratissimò dignissimò, Matre verò Lectissimâ, Pudicissimâq; *Gertrude*, jam aliquot ante annos piè defunctâ, Viri quondam antiquæ virtutis & fidei *Dn. Joannem Wepenberg* ibidem civis Primarii filiâ. Qui parentes ejus ipsum à pueritiâ primâ statim liberalibus artibus & studiis devoverunt, in hujus finem aliquot annis vitæ & morum tum profectuum, & studiorum Directores & informatores eidem præstituerunt & præposuerunt. Horum tamen præcipuè, quorum operâ summo præcepto adjutum & provectum se esse proficetur ex gratitudinis vinculo mentionem fieri voluit nempe *Dn. Alberti Heckenbergii* & *M. Hermannii Gelhardi* illius nunc J. U. D. Clarissimi & Cellæ Practici eximii, hujus verò jam Pastoris propè Brunsvigam vigilantissimi. Ex hisce in piis & humanis literis tantos progressus hausit, ut ex Gymnasio Hanoverano, cujus clavum tum Clarissimus & acutissimus *Dn. M. Heizo Buscherus* nunc ejusdem civitatis ad *D. Agydii* Pastor vigilantissimus tenebat, ad studia uberiora habilis evolare posset. Missus quippè est eorum causâ Anno 1622. de virorum Clarissimorum voto & consilio *Lubecam*, ubi per biennium sub institutione & informatione Clarissimi & Præcellentissimi Viri *Dn. Joannis Kirchmanni*, Reipubl. illius Gymnasii Moderatoris ac Rectoris dignissimi substitit. Unde à parentibus domum revocatus, ad studia in Academiis tractanda dignus capaxq; judicatus est. *Helmstadium* itaq; in patriæ viciniorem primùm concedens Academiâ inibi in Logicis & Ethicis *D. M. Müllero* & *D. M. Gethio*, Viris Clarissimis & eximii, in studio verò Juris *Dn. Christophoro Wingeleg* tunc Virò Præstantissimò J. U. Cand. meritisimò Præceptoribus usus est. Cum autem Cæsariani An. 25. sub Autumno in Ducatum Brunsvicensis irruptionem facerent, ut proinde *Helmstadii* tutus commorandi locus non esset, *Rosbachium* hinc secessit, ubi Collegiis Juridicis, quæ tum aperiiebantur ab Amplis. & Consultis, *Dn. D. Obimio*, nunc in Academ. Regimontanâ & Amplis. itidem & Consultis, *Dn. D. Kleinschmidt*, jam in almâ Rosarum Pp. Pp. lectoris & disputatoris sedulò interfuit. Hac urbe verò etiam à militibus Cæsarianis occupatâ & Academiâ dispersâ Patriam revisere coactus, tandem paucis interjectis septimanis nostram hanc Salanam adpulit, initioq; Collegium *Trentlerianum* ad Pandectas sub Præsidio Clariss. & Consultissimî nunc J. U. D. tum Candidati veratissimi *Dn. Adami Timæi* absolvit, meoq; sub Directoriò idem discutiendum reassumit. Et ubi jam viribus suis fidere didicisset, sub nostrò itidem Clypeo publicè non tantum materiam de *Contractibus in genere, & de Realius in specie*, Disputationi à se conscriptæ aptè inclusit masculèq; defendit, sed & Collegio publicè Feudali Nobilissimi & Amplissimi *Dn. Dominici Arumai* Cui Celebratissimi, Facultatis nostræ Juridicæ Senioris gravissimi &c. Collegæ & fautoris nostri colendissimi se jungens de modis amittendi feudum quibusq; amissum adplices Disputationem tutatus est. Hic Candidatus noster non ita pridem, volente parente, nomen suum inter Candidatos referri sibiq; diem tentaminis, quod sic adpellamus primum examen, dici scriptis petiit & facillè obtinuit. In quò juribus exolutis, eum se tum in Resolutione textuum sanè enodatissimâ, ut cum jucunditate se eam audivisse faterentur *Dn. Examinatores*, tum ad objecta sibi responsione adeo modatissimâ omnibus exhibuit & probavit, ut non sine hæsitacione tantum, sed cum amice de eximiis in jure profectibus gratulatione dignus, qui ad ulteriora exercitia admitteretur, judicatus fuerit. Ad diem *Jovis* Deo fortunante, horâ IX. Lectionem illam cursum expedire constituit, Favete & nobis & huic auditores venerandi amandi, & vestrà præsentia hunc actum condecorate. Gratitude nempe promittimus. Public. 10. Febr. Ann. 1633. Jenæ.

TIPIS ERNESTI STEINMANNI.

urn:nbn:de:urmel-d00036e3-c433-4380-9537-25237a4635b75-00012480-25